



Broj: 08-01-51-182-9/17
Mostar, 29.03.2018. godine

Na osnovu člana 64. stav 1. tačka b), člana 70. st. 1, 3. i 6. Zakona o javnim nabavkama („Službeni glasnik BiH“, broj 39/14) i provedenog otvorenog postupka javne nabavke za izbor najpovoljnijeg ponuđača za izvođenje radova na LOT 6 - Sanacija regionalne ceste R-435a, dionica Rujište-Planinarski dom-Raskrsnica Zijeplje, Preporuke Komisije za javne nabavke i Zapisnika o sastanku Komisije u predmetu javne nabavke broj:UPI-08-04-29-1681/17-LOT6-Z-1, od 08.03.2018. godine, Uprava za puteve *donosi*

ODLUKU **o izboru najpovoljnijeg ponuđača**

I

Ovom Odlukom prihvata se preporuka Komisije za javne nabavke u predmetu „Sanacija regionalne ceste R-435a, dionica Rujište-Planinarski dom-Raskrsnica Zijeplje“, LOT 6, a na osnovu provedenog otvorenog postupka čiji je broj obavještenja o nabavci sa Portala javnih nabavki:78-1-3-3-4/17 objavljen dana 19.06.2017.godine, kao prihvatljivi ponuđač izabran je:

Konzorcij „Babić“ d.o.o. Jablanica i „Livno putovi“ d.o.o. Livno, čija je ponuda broj: **763-XXI/16** od 04.08. 2016 godine, za ponudenu cijenu u iznosu od **135.242,09 KM sa PDV-om**.

II

Prijedlog ugovora o nabavci dostavit će se na potpis izabranom ponuđaču **Konzorcij „Babić“ d.o.o. Jablanica i „Livno putovi“ d.o.o. Livno**, po isteku roka od 15 dana, računajući od dana od kada su svi ponuđači obaviješteni o izboru najpovoljnije ponude, a sve u skladu sa članom 98. stav 2. Zakona o javnim nabavkama („Službeni glasnik BiH“, broj: 39/14).

III

Obavezuje se ponuđač iz člana 1. ove Odluke da u roku od sedam (7) dana od dana prijema ove Odluke dostavi slijedeću dokumentaciju:

TEHNIČKA I PROFESIONALNA SPOSOBNOST

- ✓ Ovjerenu kopiju „Ovlaštenja za obavljanje djelatnosti građenja/izvođenja radova“ iz oblasti niskogradnje dužan je dostaviti lider konzorcija koji je u ovom slučaju preduzeće „Babić“ d.o.o. Jablanica

IV

Ova odluka objavit će se na web stranici www.mpv-hnz-k.ba istovremeno s upućivanjem ponuđačima koji su sudjelovali u postupku javne nabavke, u skladu sa članom 70. stav 6. Zakona o javnim nabavkama Bosne i Hercegovine.

V

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Rješenjem o pokretanju postupka javne nabavke broj: UPI-08-04-29-1681/17 od 15.06.2017. godine.

Javna nabavka je sprovedena Otvorenim postupkom.

Procijenjena vrijednost javne nabavke je 120.000,00 KM.

Obavještenje o nabavci broj: 78-1-3-3-3-4/17 poslano je na objavljivanje dana 19.06.2017. godine, objavljeno je na Portalu javnih nabavki.

Komisija za javnu nabavku imenovana je Rješenjem broj UPI-08-04-29-1681/17-1 od 16.06.2017. godine.

Komisija za javnu nabavku dostavila je dana 17.08.2017. godine slijedeće izvještaje o radu: Zapisnik sa otvaranja ponuda od 03.08.2017. godine, Zapisnik o ocjeni ponuda od 16.08.2017. godine i Preporuku o izboru najpovoljnijeg ponuđača od 17.08.2017. godine u postupku javne nabavke radova „Sanacija regionalne ceste R-435a, dionica Rujište-Planinarski dom-Raskrsnica Zijemlje“.

U postupku po izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2;
- da su blagovremeno zaprimljene 2 ponude;
- **da su ponude svih ponuđača prihvatljive;**

Donošenjem Odluke o izboru najpovoljnijeg ponuđača, u ovom slučaju Konzorcij „Babić“ d.o.o. Jablanica i preduzeće „Livnopotovi“ d.o.o. Livno, ponuđač „Babić“ d.o.o. Jablanica, zatraženo je da nosilac konzorcija dostavi između ostalog i „Ovlaštenje za obavljanje djelatnosti građenja/izvođenja radova“ iz oblasti niskogradnje.

Dostavljanjem dokumentacije, dopisom br. 947-XXII/17 od 28.08.2017.godine, lider konzorcija nije dostavio traženo ovlaštenje, te u istom navodi da ukoliko se ne izmijeni predmetna Odluka u pogledu člana III tačke 3. i uskladi sa TD da se ovaj dopis smatra i žalbom na Odluku. Kako je u pomenutom dopisu navedeno da se isti smatra i kao žalba ukoliko se ne izmijeni predmetna Odluka u pogledu člana III tačke 3., i uskladi sa TD to je od lidera konzorcija, dopisom br. 08-04-51-607/17-P od 31.08.2017.godine zatraženo uređenje podneska. Na upućeni dopis za uređivanje podneska lider konzorcija podnosi žalbu na Odluku o izboru najpovoljnijeg ponuđača br. UPI-08-04-29-1681/17-LOT6-O od 17.08.2017.godine.

Ugovorni organ Zaključkom br. UPI-08-04-29-1681/17 LOT6-O-2 od 08.09.2017. godine odbacuje žalbu ponuđača kao neblagovremenu. Na doneseni zaključak kojim je žalba odbačena kao neblagovremena, lider konzorcija Babić d.o.o. Jablanica podnosi novu žalbu, za koju ugovorni organ smatra da je neosnovana, te je na osnovu člana 100. stav (5) Zakona o javnim nabavkama istu proslijedio Uredu za razmatranje žalbi. Rješavajući po žalbi ponuđača Konzorcij „Babić“ d.o.o. Jablanica i preduzeće „Livnopotovi“ d.o.o. Livno, Ured za razmatranje žalbi donosi Rješenje br. JN2-01-07-1-719-8/17 od 06.12.2017. godine, kojim usvaja žalbu žalioca, te poništava Zaključak ugovornog organa br. UPI-08-04-29-1681/17 LOT6-O-2 od 08.09.2017. godine i predmet se vraća na ponovni postupak.

Ugovorni organ je u ponovnom razmatranju izjavljene žalbe utvrdio da je ona neosnovana i proslijedio je Uredu za razmatranje žalbi na odlučivanje.

Ured za razmatranje žalbi nakon razmatranja žalbe žalioca Babić d.o.o. Jablanica, poništava Odluku o izboru najpovoljnijeg ponuđača broj: UPI-08-04-29-1681/17 LOT6-O od 17.08.2017. godine i predmet se vraća ugovornom organu na ponovni postupak.

U pomenutom rješenju Ured za razmatranje žalbi na str. 5., navodi da je ugovorni organ u ponovnom postupku dužan najprije raspraviti predmetno pitanje obzirom na kvalifikaciju licence kao elementa ugovora, tj. utvrditi koji od članova grupe će izvršiti poslove za koje je potrebno predmetno ovlaštenje.

S tim u vezi je dana 31.01.2018. godine dopisom br. UPI-08-04-29-1681/17 LOT6 od ponuđača Konzorcij „Babić“ d.o.o. Jablanica i preduzeće „Livnopotovi“ d.o.o. Livno zatraženo da dostave informaciju tj., spisak radova koje će izvoditi lider konzorcija Babić d.o.o. Jablanica i spisak radova koje će izvoditi član konzorcija Livnopotovi d.o.o. Livno na LOT-u 6-„Sanacija regionalne ceste R-435a, dionica Rujište-Planinarski dom-Raskrsnica Zijemlje“,

Dopisom broj: 170-XXIII/18, od 09.02.2018. godine nosilac konzorcija Babić d.o.o. Jablanica i dopisom broj: 40/18, od 10.02.2018. godine, član konzorcija Livnopotovi d.o.o. Livno, naveli su da će radove izvoditi prema slijedećoj raspodjeli:

- Babić d.o.o. Jablanica, kao lider konzorcija izvodio bi pripremne radove, radove na iskopu, te dio AB radova na objektima uz saobraćajnicu u ukupnoj vrijednosti od cca. 17.765,91 KM bez uračunatog PDV-a, nepredviđenih radova od 5% i datog popusta;
- Livnopotovi d.o.o. Livno izvodit će radove na izradi gornjeg i donjeg stroja, te radove na odvodnji i signalizaciji, kao i dio radova na objektima u ukupnoj vrijednosti od 98.993,21 KM bez uračunatog PDV-a, nepredviđenih radova od 5% i datog popusta;

Dana 08.03.2018.godine, Komisija za javne nabavke sastala se u cilju rješavanja dostavljenih informacija po pitanju raspodjele izvršenja radova na LOT 6 - Sanacija regionalne ceste R-435a, dionica Rujište-Planinarski dom-Raskrsnica Zijemlje, a shodno rješenju Rješenju Ureda za razmatranje žalbi broj JN2-01-07-1-7-21-10/18 od 19.01.2018. godine na Odluku Ministarstva saobraćaja i veza HNK-a – Uprave za puteve, broj UPI-08-04-29-1681/17 LOT6-O od 17.08.2017. godine, te je zaključila slijedeće:

Komisija je stala da je za radove na iskopu, te za dio AB radova koje bi izvodio lider konzorcija Babić d.o.o. Jablanica potrebno „Ovlaštenje za obavljanje djelatnosti građenja/izvođenja radova“ iz oblasti niskogradnje, te da su dužni isto dostaviti prije potpisivanja ugovora. Za radove koje bi izvodio član konzorcija Livnopotovi d.o.o. Livno također je potrebno ovlaštenje koje je dostavljeno u uz ponudu.

Članom 14. Zakona o osnovama bezbjednosti saobraćaja na putevima u BiH („Službeni glasnik BiH“, broj 6/06, 75/06) propisano je: „Javni put čine: donji i gornji stroj puta, drumski građevinski objekti, saobraćajni znakovi i oprema, objekti za potrebe puta, a javni put izvan naselja i zemljišni pojas s obje strane puta širine najmanje jedan metar, računajući od krajnje tačke poprečnog profila puta i vazdušni prostor iznad kolovoza u visini od sedam metara, računajući od najviše tačke kolovoza.“

Iz dostavljenog dopisa od strane lidera konzorcija Babić d.o.o. Jablanica vidljivo je da će kao lider konzorcija izvoditi pripremne radove, radove na iskopu, te dio AB (armirano-betonskih) radova na objektima uz saobraćajnicu ..., a sve to nesporno čini sastavni dio javnog puta i zbog toga mu je potrebno „Ovlaštenje za obavljanje djelatnosti građenja/izvođenja radova“ iz oblasti niskogradnje, a kojim se dokazuje da je ovlašten za obavljanje poslova koji su predmet javne nabavke. Posebno naglašavamo da je predmet javne nabavke regionalni put koji se nalazi izvan naselja, pa prema tome njega čini i zemljišni pojas s obje strane puta širine najmanje jedan metar, računajući od krajnje tačke poprečnog profila puta.

Rang lista ponuđača:

R.b.	Ponuđač	Cijena sa PDV-om (KM)
1.	Konzorcij „Babić“ d.o.o. Jablanica i „Livno putovi“ d.o.o. Livno	135.242,09
2.	„GPI“ d.o.o. Konjic	151.682,60
3.	„HP Investing“ d.o.o. Mostar	138.083,90

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.


Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Shodno preporuci Komisije za javne nabavke iz Zapisnika o pregledu i ocjeni ponuda izabran je najpovoljniji ponuđač: **Konzorcij „Babić“ d.o.o. Jablanica i „Livno putovi“ d.o.o. Livno sa ukupnom ponuđenom cijenom od 135.242,09 KM sa PDV-om**, jer je dostavio prihvatljivu ponudu koja ispunjava sve uslove definisane tenderskom dokumentacijom sa ponuđenom cijenom koja je manja od procijenjene vrijednosti nabavke.

Iz navedenih razloga, primjenom člana 64. stav 1. tačka b. Zakona o javnim nabavkama, odlučeno je kao u članu 1. ove odluke.

UPUTA O PRAVNOM LIJEKU

Protiv ove odluke može se izjaviti žalba najkasnije u roku od 10. (deset) dana od dana prijema ove odluke.



direktor

dr.sc. Kemal Soljić

Dostavljeno:

1. Konzorcij „Babić“ d.o.o. Jablanica i „Livno putovi“ d.o.o. Livno
2. „GPI“ d.o.o. Konjic
3. „HP Investing“ d.o.o. Mostar
4. a/a